



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CXXIX. Ioannis Papae VIII. Ad Lvdovicvm Regem. Miratur, quod
filiabus Bosonis, pro quibus alias rogauerat, hereditatem iure debitam non
restituerit; iterumque monet, vt ipsam hereditatem ...

urn:nbn:de:hbz:466:1-15967

uum duceret. Ecce enim, auxiliante Deo, Papiam venimus: quapropter monentes mittimus & apostolica auctoritate hortantes iam tertio mandamus, ut præfessionaliter ad nos carissimi, tamquam ad patrem venire debeat, & ut alii veniant, alter alterum incitet, & has literas primo legens remittere aliis procuret: quatenus venientes vna nobiscum de statu sanctorum Dei ecclesiarum & quiete reipublicæ & nostra vestraque omnium salute Synodum celebrantes, tractemus; in quibus dilectissimi filii, ne vestra caritas tepeat, neve religiositas inobediat, sed compatitur, ut oportet, ac doleat: quia scriptum est, qualiter tepidus sit iure vomendus, & qualiter per inobedientiam culpa, quæ non fuit, fit, & qualiter qui non compatitur, decreto pontificali feritur. Data ut supra.

Apoc. 5.

EPISTOLA CXXIX.

IOANNIS PAPÆ VIII.

AD LUDOVICVM REGEM.

Miratur, quod filiabus Bosonis, pro quibus alias rogaue-
rat, hereditatem iure debitam non restituerit;
iterumque monet, ut ipsam hereditatem
integrā eis restituat.

Hludouico regi glorioſo glorioſi quondam regis Ludouici filio.

Psal. 98. Psal. 10. **I**AM enim magnitudinem vestram fili carissime apostolicis monuimus literis, hortantes pro filiabus Bosonis dum comitis & Ingeltrudis coniugis, quibus iure hereditas deferri omnium legum auctoritate conceditur, proprietates reddere studeretis. Sed, ut cernimus, inauditi remansimus: quod miramur, & mirantes dolemus, cum vestra proles apostolicis censuris semper obediatur, & præ omnibus regibus iudicium faciat. Ut rex Dauid cecinit, *honor regis iudicium diligit*. Nonne legitis: *Quoniam iustus Dominus iustitiam diligit, & æquitatem videt vultus eius?* Ceterum reclamationem filiarum iam dicti Bosonis audiuiimus, ut ipsas, ipsius, matrisque earum proprietates, Ingeltrudis, alias vos teneatis, alias vero vestris tenere quibus ipsa post iudicium sibi illatum sine viri consensu dederit, tenere permittatis, quod nefas est, & contra omnium legum prorsus auctoritatem. *Quid enim vxor sine viri consensu agere potest?*

test? quanto magis hæc mœchans, quæ diuino gladio, censemte domno papa Nicolao prædecessore nostro interiit? & humano pro parte facto stupro, puniri debuerat? Nonne Ioannes papa Romanus, & Iustinianus inclytus imperator legem Romanam facientes, scripserunt ita? Capitali crimine damnatorum bona non ad lucrum præsidis, sed cognatis punitorum reddi oportet. & alibi: Omnibus gradibus cognatorum in hereditate sumenda præferendi sunt filii. Vnde liquido patet, gloriosissime rex, vt nec vos, nec cognati eorum, nisi ipsæ filiæ quæ sunt legitimæ, illos allodes habere debent; qui vero nati sunt post crimen illarum, spurii sunt, nec hereditare debent, vt præfatus papa, & imperator scripserunt ita: Spurios satis iniuriosos, satisque acerbos, ac nostris temporibus semper indignos esse diuidicamus. Quapropter, vt rogauiimus, iterum iterumque rogamus, & hortantes monemus, vt harum reclamaciones, harum & gemitus vestra regia dignitas hauriat. Et pro apostolorum principum reuerentia, a quibus petiere auxilium, & pro nostro amore integriter ipsas proprietates, quas vos allodes dicitis, reddat, & vestros omni occasione remota reddere faciatis. Data vt supra.

EPISTOLA CXXX.

IOANNIS PAPÆ VIII.

AD SVPPONEM COMITEM.

Miratur eum sibi, vt decebat, non occurrisse certiorem reddit de his quæ cum Ludouico rege egit.
monet vt ad se veniat.

Dilecto filio Supponi illustri comiti.

CVR fili carissime nobis iter tua dilectio clauerit, cur que vt audistis nos in tuos honores venisse, obuiam non concurreris, miramur, cum eam in omnibus nostris negotiis curam gessisse semper nouimus: & vbi nos prope fuisse audieras, tuis vniuersis postpositis seriis ad nos festinanter properaueras. Vnde cernimus quoniam istud non ex corde, sed pro fidelitate tui senioris taliter feceris, quod ideo parcimus; ecce enim, vt audistis, & nos etiam vobis iam literis significauimus, pro quibus in Galliæ partibus Synodus celebrauimus. Et Hludouicum glorio-

Concil. Tom. 24.

V

Nicolaus
in epist. 64.
Regino. 1.2.
chronic.